



Cùmuni di Lungòni


La dì 25 d'Abbrili, la dì di la Libbaraziòni



**REGIONI AUTONOMA DI LA SALDIGNA
REGIONE AUTÒNOMA DE SARDIGNA
REGIONE AUTONOMA DELLA SARDEGNA**



La fèsta di la dì 25 d'Abbrili, ditte puru la ciurràta di la Resistènzia, è abbèddhu 'mpulanti pa' l'Ittaliani palchè in chista dì s'affistìgghjani la libbaraziòni da lu governu fascista, la libbaraziòni da l'occupaziòni nazista e s'ammenta lu 'alóri di li Partiggiani, tutti chissi passòni chi a paltì da lu 1943 àni fattu in manéra chi l'Italia sia turrata libbara.



Turrèmu un pòcu indarétu
pa' cumprindì lu chi è
cumbinatu primma di chissa
dì.

Inn Italia v'è ancóra la ghèrra;
la dì 8 di Capidanni di lu '43,
l'Italia filma l'almistiziu cu'
l'angloamericani e di chista
manèra diventa innimica di
l'alleati d'innanzi, li tedeschi!



Dapoi di la filma di l'accòldu,
l'òldini no sò chjari, pàssani
tant'óri cunfusi e li suldati in
trincèa no sani più cal'è lu
sò' innimìcu!

Mussolini, oramai ispòstu,
proclamigghja la Repubblica
di Salò e li tedeschi
occupigghjani, cu' la folza,
tutta la penisula e imponini
lu raziunamèntu di lu di
magnà.

L'Italia, da chissu mumentu,
sarà un paèsi in ghèrra zivvili
finz'a lu '45.





È in chista situaziòni chi
nasci la Resistènzia
Partigiana.

Intantu lu re Vittorio
Emanuele telzu e lu capu di
lu governu Pietro Badoglio
si nni fùgghjini, umbè di
cittadini
piddhani l'almi pà ghirrà
cun a capu li Comitati di
Libbaraziòni Nazionali;
lu primmu di chisti nasci
proppiu la dì infattu a
l'almistiziu di Cassibile!



Li partiggiani sò illi cità occupati da li tedeschi, parò più e più s'agàttani spalti illi mònti tutt'intundu e da chì attaccani l'innimicu o li lóchi militari 'mpulanti chèna timì lu chi sarìa cumbinatu dapói;
in chissi mési umbè di ghjènti móri, basta sólu ammintàssi di lu stràgghju di li Fossi Ardeatini inn Irroma e chissu di Marzabotto accultu a Bologna.
Sèmu arriàti a lu branu di lu 1945, candu l'americani sfundani la Linea Gotica, una fultivicaziòni chi li tedeschi àiani frabbicatu innant'a l'Appenninu, longa più 300 chilometri.



La dì 25 d'Abbrili di lu '45, da lu sittu di Lu Cumandu partigianu in Milanu, La Resistenza, chi abàli conta più di 200 milia òmini, faci paltì un appèllu: è ministéri chi si scatènia la Rivoluziòni Naziunali contr'a li tedeschi!

Mussolini cilca di fughjissinni sighèndi una colonna di tedeschi, parò vèni arristàtu e cundannàtu a mòlti la dì 28 d'Abbrili insemb'a la só' fèmina Claretta Petacci e a altu cumandanti.

Piero Calamandrei, òmu di legghji e pulitticu, aia criàtu lu Paltitu d'Aziòni e éra Partigianu iddhu puru e palti di l'Assemblea Costituènti, dunca scriisi palti di la nostra Costituziòni.

Dapói di la Libbaraziòni d'isi: Siddhu 'uléti andà in pirigrinàgghju undi nascìsi la nostra Costituziòni, andéti illi mònti undi ammazzésini li Partigiani, illi prisgiòni undi li 'nsarrésini e illi campi undi li 'mpicchésini, andèti chì puru cu' lu pinséri palchì chì è undi è nata la nostra Costituziòni, signu di Libbaltài!

